

chal; fortasse non diversum a capitibus quibusdam libri primi Originum. Similiter de Numeris quod Braulioni memoratur ex libro tertio, et de Heresibus ex libro octavo. Etiam librum de Nominibus Legis et Evangeliorum et librum de Mysteriis Salvatoris patet latere in num. 13, 14, 15.

*Librum Prophetiarum Isidori, pseudo-Luitprandus, p. 436, adversariorum ait se vidiisse scriptum lingua Latina, Gothicā; vulgari Hispana et A abica.*

Lucas Tudensis in Vita cap. 5, p. 340, nescio quod ejus *Alphabetum Papie Judicum* memorat, et *alphabetum verbalium, Theologicarum distinctionum, alphabetum librorum, orationis.*

De oratione Synodali in synodo Hispanensi A. 636, paulo ante obitum habita, in qua Arii heresim et Aerphalitarum superstitionem condemnavit, mentionem facit Braulio, et scriptor Vitae cap. 9, tom. I Act. Sanctorum April. p. 347.

*Missale et Breviarium Hispanicis Ecclesiis prescriptum* ab Isidoro non satis constat, atque dubitant viri eruditii Liturgiam Mozarabicam sive Mixtarabicam ad Isidorum auctorēm referre. Confer W. E. Tenszelium de ritu Lecturenum sacrarum § 51. *Legum* ciam *Visigothicarum* libros XII, a Petro Pitheo, Paris. 1579, fol., et in Frid. Lindenbrogii Codice Legum antiquearum, atque in tomo tertio Hispaniae illustratae editos, post Isidorum demum collectos docent. Confer Nic. Antonium tom. I, p. 269, 270.

De Collectione Canonum, Conciliarum et Epistolarum Decretalium adhuc ut ferunt inedita, certe diverse ab illa Isidori Mercatoris, vide quae notavi tom. XI Bibl. Graecæ p. 13 seq. et 66, et Nic. Antonium tom. I, p. 270 seq.

Interciderunt commentarii allegorici in plures libros Vet. Test. et litterales universi. Vide supra n. 14.

Veniam peto ab æquis lectoribus, si eorum sub oculis hic repräsentem omnium quotquot unquam audierim vel legerim, vetustissimum codicem Etymologiarum S. Isidori, quem servat Bibliotheca Malatestiarum Cæsenatensis, librum, quem credo scriptum saeculo vi. Continet vero ille libros XXV,

\* An Patronymicorum?

## TESTIMONIA DE S. ISIDORO HISPALENSI.

*Sancti Breunonis, Cæsaraugusti, episcopi, Praenatio librorum D. Isidori.*

Isidorus vir egregius, Hispanensis Ecclesiæ episcopus, Leandi episcopi successor et germanus, floruit a tempore Mauriti imperatoris, et Reccæ regis; in quo quiddam sibi antiquitas vindicavit, ita nostrum tempus antiquitatis in eo scientiam imaginavit: vir in omni locutionis genere formatus, ut imperito doctioque secundum qualitatem sermonis existeret spitus, congrua vero opportunitate loci incomparabili eloquentia clarus. Jam vero quantus

A nempe V ultra numerum quem editi præserunt. Id vero discrimen non inde provenit, quod addita sint quedam supra edita, sed ex diversa tantummodo disponendi operis ratione. Ita ergo distribuitur. Quartuor priores libri sunt ut in editis excepto quod libri iv, cap. 13, de initio medicinae deest. In lib. v variat nonnihil Chronicon Isidori, quod incipit in hoc codice: *Ordinem Temporum.* Reliqui dein libri usque ad cap. 35, lib. xviii pari passo cum editis procedunt, sed initium capitū 27 in editis est in codice initium libri xix. Tunc caput 20 lib. xviii in editis est ibi liber xx. Liber xxi incipit a cap. 52 lib. xviii. Liber xxii est caput 60 libri xviii. Liber xxiii exorditur a cap. 7 lib. xix. Liber xxiv a cap. 20 libri xix. Denique totus liber xxv libro xx editorum cohæret. Additamenta illa, quae in edito Parisiensi 1601, p. 269, seorsum dantur hic etiam, sed non omnia comparent ad marginem descripta, ut *talentum, etc., mina, etc., obolus, etc., sicles, etc.* Sunt vero haec addititia alterius et paulo recentioris manus, quam reliqua omnia. Variantes quedam occurunt non contemnende, quas tamen ego majori diligentia annotare ex temporis angustia prohibitus sum. Unum hoc tantummodo non neglexi. Quo loco in edito lib. xix, cap. 19, legitur *Canterium, Gallia, Gavia;* ibi est *Cavaria Lingulina.* Denique in fine libri eadem ac cetera manu versus isti leguntur:

Ut est labor agricolis (sic) vomere proscindere terras  
Est milii arundineus (sic) calamus sulcure novales.  
Ille etiam tostas congaudet cernere messes,  
Sic et ego lucem lecto concudere versum (sic).

C Libros de officiis nactus sum in altero ms. codice Lucensi, saeculo viii scripto, atque in illo postrema duo illa capita desiderari animadvertisi, quae et in Hittorpii editione desunt; sicut et ibi pariter iisdem verbis, quibus et editus Hittorpianus totum opus concluditur.

Denique prætereundum haudquæquam duco collectionem canonum Isidorianam evulgasse Romæ an. 1741 virum cl. Cajetanum Cenni, qui et adducti in Præfatione argumentis sincerum illum Isidori Hispanensis futum esse demonstrat.

D sapientia fuerit, ex ejus diversis studiis et elaboratis opusculis perfacile prudens lector intelligere poterit. Denique de iis quae ad notitiam nostram venerunt, ista commemoravi. Edidit libros Differentiarum duos, in quibus subtili discretione ea quae confuse usu præseruntur sensu discrevit; Proceriorum librum unum, in quo, quid quisque liber sancto continet Scripturæ, brevi subnotatione distinctus; de Ortu et Obitu Patrum librum unum, in quo eorum gesta, dignitatem quoque, et mortem eorum, atque sepulturam sententiali brevitate subnotavit; ad germanum suum

Fulgentium, episcopum Astigitanum, Officiorum libros duos, in quibus originem Officiorum, cur unumquodque in Ecclesia Dei agatur, interprete suo stylo non sine Majorum auctoritate elicuit; *Synonymorum* libros duos, quibus ad Consolationem animæ, et ad Spem percipiendæ veniaæ, intercedente rationis exhortatione, erexit; de Natura Rerum ad Sisebutum regem librum unum, in quo tam de Ecclesiasticorum Doctorum quam etiam de Philosophorum indagine obscura quædam dæ elementis absolvit; de Numeris librum unum, in quo Arithmeticam propter Numeros Ecclesiasticis Scripturis insertos ex parte tetigit disciplinam; de Nominibus Legis et Evangeliorum librum unum, in quo ostendit quid memoratae personæ mysterialiter significant; de Hæresibus librum unum, in quo Majorum secutus exempla, brevitate qua potuit, B diffusa collegit; Sententiarum libros tres, quos floribus ex libris papæ Gregorii Moralibus decoravit; Chronicorum, a principio Mundi usque ad tempus suum, librum unum nimia brevitate collectum; contra Judæos, postulante Florentina germana sua proposito virgine, libros duos in quibus omnia quæ Fides Catholica credit, ex Legis et Prophetarum testimoniis approbavit; de Viris Illustribus librum unum, cui nos ista subjunximus: Monasticæ Regulæ librum unum, quem pro Patriæ usu et invalidorum animis decentissime temperavit, de Origine Gotthorum, et Regno Suevorum, et etiam Wandalorum Historia, librum unum; Quæstionum libros duos, quos qui legit, veterum tractatorum multam supellectilem recognoscit; Etymologiarum codicem nimia magnitudine, distinctum ab eo titulis, non libris, quem quia rogatu meo fecit, quamvis imperfectum ipse reliquerit, ego in viginti libros divisi: quod opus omnimodo philosophiae conveniens quisquis crebra meditatione perlegerit, non ignotus divinarum humanarumque rerum scientia merito erit. Ibi redundans diversarum artium elegantia, ubi quæcunque fere sciri debentur, resticta collegit. Sunt et alia ejus viri multa opuscula, et in Ecclesia Dei multo cum ornamento inscripta. Quem Deus post tot defectus Hispaniæ novissimis temporibus suscitans (credo ad restauranda antiquorum monumenta, ne usquequa rusticitate veterasceremus), quasi quamdam apposuit destinam. Cui non immerito illud philosophicum a nobis aptatur: Nos, inquit, in nostra urbe peregrinantes errantesque tanquam hospites, tui libri; quasi domum reduxerunt: ut possimus aliquando qui et ubi essemus agnoscere. Tu ætatem patriæ, tu descriptiones temporum, tu sacrorum jura, tu sacerdotum, tu domesticam publicamque disciplinam, tu sediū, regionum, locorum, tu omnium divinarum humanarumque rerum nomina, genera, officia, causas aperuisti. Quo vero flumine eloquentiæ, et quot jaculis divinarum Scripturarum, seu Patrum testimoniis Acephalitarum hæresim confoderit, synodalia gesta coram eo Hispalii acta declarant. In qua contra Gregorium præfæcæ hæresis antistitem eam asseruit veritatem. Obiit temporibus Heraclii imperatoris, et Christianissimi

A Chintilani regis, sana doctrina præstantior cunctis, et copiosior operibus charitatis.

*Ex sancti Ildephonsi, Toletani episcopi, libro de Viris Illustribus.*

Isidorus post Leandrum fratrem Hispalensis sedis provinciæ Bethicæ cathedram tenuit; vir decore simul et ingenio pollens: nam tantæ jucunditatis affluentem copiam in eloquendo promeruit, ut ubertas admiranda dicendi ex eo in stuporem verteret audientes, ex quo audita bis, qui audisset non nisi repetita sepius commendaret. Scripsit Opera, et eximia, et non parva, id est librum de Ortu et Obitu Patrum; librum Lamentationis, quem ipse Synonymorum vocavit; libellos duos ad Florentinam sororem contra nequitiam Judæorum; librum de Natura Rerum ad Sisebutum principem; librum Differentiarum; librum Sententiarum. Collegit etiam de diversis auctoribus, quod ipse cognominat, Secretorum Expositiones Sacramentorum, quibus in unum congestis, idem liber dicitur Quæstionum. Scripsit quoque in ultimo ad petitionem Braulionis Cæsaugustani episcopi librum Etymologiarum, quem cum multis annis conaretur perficere, in ejus opere diem extremum visus est conclusisse. Floruit temporibus Recaredi, Liuvianis, Witterici, Gundemari, Sisebutis, Suinthiliani, et Sisenandi regum: annis fere quadraginta tenens pontificatus honorem, insignemque doctrinæ sanctæ gloriam pariter et decorem.

*Ex Sieberti Gemblacensis libro de Viris Illustribus.*

Isidorus Junior, Hispalensis episcopus, multa scripsit. Scripsit ad Braulionem episcopum viginti libros Etymologiarum. Scripsit librum Proœmiorum de libris Veteris et Novi Testamenti, quos in Canonem recepit Ecclesia catholica; de Ecclesiasticis Officiis, ad Fulgentium; de Ortu, Vita et Obitu sanctorum Patrum, qui in Scriptura laudibus efferventur; ad Orosium, librum de Significationibus Nominum; ad Sisebutum, librum de Natura Rerum. Scripsit et librum de Differentiis Verborum; librum de Proprietate Rerum; librum Sermonum; librum Ecclesiastorum Dogmatum. Scripsit Synonyma, ubi inducuntur duæ personæ: una hominis plangentis, altera rationis admonentis. Scripsit et Lamentum Pœnitentis, distinctum alphabeto, addita oratione. Scripsit de Conflicto Virtutum et Vitiorum librum unum; de D Mysteriis Salvatoris librum unum. Totum Vetus Testamentum simpliciter exponendo percurrit. Scripsit et alia sæculari litteraturæ competentia, quæ commemorare nihil ad nos.

*Obitus beati Isidori a Redempto Clerico recensitus.*

Visum est mihi, ut tuæ sanctitati breviter exponerem, qualiter bonæ recordationis dominus meus Isidorus Hispalensis Ecclesiæ metropolitanus episcopus pœnitentiam acceperit, suamque confessionem erga Deum, vel homines habuit; vel quomodo de hoc sæculo ad cœlum migrarit, fidelis prænotacionis meæ stylo, tuæ dilectioni notescerem. Quæ res mea primum compulit pro hac sollicitudine, quam ex amore in eum offertis, vestræ charitati gratias

agere; deinde, quia vera supprimere nequen, et quod de eo, pauca de multis colligere potui, te orante, dicere cogor. Dum finem suum, nescio qua sorte, jam prospiceret, et fatigatum corpus ægritudine assidea subtiliter animæ natura prævideret, tantam eleemosynam quotidianis diebus per sex pene menses, seu amplius, plusquam erat solitus pauperibus ab eo est erogata, ut oriente sole usque in vespere multis illis in accipiendo maneret substantiam. Post hæc vulnere percussus est, ita ut dum febris in corpore convalesceret, et cibum rejiceret debilitatus stomachus. Ad pœnitentiam convaluit, atque suos coepiscopos, Joannem scilicet et Apar- tium beatissimos, mox adesse fecit præsentes. Et dum a cellula sua ad basilicam sancti Vincentii martyris adduceretur, cuncta agmina pauperum clericorum, religiosorum omnium, cunctarumque bujus civitatis plebium cum vocibus et magno ulu'atu eum suscepserunt, ut si ferreum possideret quispiam peccatum, solveretur mox in lacrymas, et lamentum totus. Et dum in prædicti martyris basilicam juxta altaris cancellum in medio poneretur choro, mulierum turbas longius stare præcepit, ut in accipiendo ipse pœnitentiam, virorum tantum, non illarum, circa eum cerneretur præsentia. Et dum a prædictis sacerdotibus ab uno cilicio, ab altero super semiti..... exponere cinerem, expandens manum ad cœlum, ita exorsus est, dicens: Tu Deus, qui nosti corda hominum, et Publicano longe posito, dum peccatum perculeret suum, dimitti peccata dignatus es; qui Lazarum dormientem de monumento post resolutionem carnis die quarta dignatus es resuscitare, et Abrahæ patriarchæ sinus eum recipere voluisti; suscipe in hac hora confessionem meam, et peccata, quæ innumerabiliter contraxi, ab oculis differ Luis: non reminiscaris mala mea, et juventutis delicia ne memineris. Tu, Domine, non posuisti pœnitentiam justis, qui non peccaverunt tibi; sed mihi peccatori, qui peccavi super numerum arenæ maris. Non inveniat in me hostis antiquus, quod puniat. Tu scis, quia postquam infelix ad onus istud, potius quam ad honorem, in hanc sanctam Ecclesiam indigne perveni, peccare nunquam sinivi; sed ut iniuste agerem, laboravi. Et quia tu dixisti: In quæcumque hora peccator a viis suis reverterit, omnes iniquitates suas traderes oblivioni: bujus præcepti memor sum tui. Clamo utique cum spe et fiducia ad te, cujus cœlos aspicere non sum dignus præ multitudine peccatorum, quæ conversantur in me. Adesto et suscipe orationem meam, et mihi peccatori dona veniam postulatam. Quod si cœli non sunt mundi in

A conspectu tuo, quanto magis ego homo, qui bibi, quasi aquas, iniquitatem, et sump-i, ut colostra, peccatum. His igitur consummatis, corpus et sanguinem Domini cum profundo gemitu cordis, indignum se judicans, ab ipsis suscepit pontificibus. Deinde eorumdem sacerdotum, et quicunque de clero erant, civium cunctarumque plebium veniam precabatur, dicens: Deprecor vos, sanctissimi Domini mei sacerdotes, sanctamque congregationem clericorum et populi, ut pro me infelici et pleno omni sorde peccati ad Dominum vestram porrigitur oratio: ut qui meo merito Dei non sum dignus impetrare clementiam, intercessu vestro merear consequi meorum veniam delictorum, Dimitte mihi, obsecro, indigno, quod in unumquemque commisi verstrum: si quem contempsi odio, si quem rejeci impiæ charitatis consortio, si quem maculavi consilio, si quem læsi irascendo: dimittite nunc petenti, imo et pœnitenti. Et dum una voce omnes pro eo indulgentiam postulassent, et unicuique debili sua vincula, vel chirographa condonassent, circumstantes iterum admonuit, dicens: Sanctissimi Domini mei episcopi, et omnes qui adsunt, rogo et obsecro ut charitatem invicem vobis exhibeatis, non reddentes malum pro malo, nec velitis esse susurro in populo, non inveniat in vobis hostis antiquus quod puniat, non reperiat a vobis relictum lupus rapax quem auferat, sed potius erexit ab ore lupi ovem pastor suis humeris congaudens reportet ad hanc caulam. Igitur post hanc confessionem, vel orationem, residuum egenis et pauperibus mox dari jussit pecuniam. Cui tamen fideli sit dubium, ut non statim, dimisso omni facinore, associaretur societatibus angelorum? Interea se ab omnibus osculari studuit, dicens: Si ex toto corde dimiseritis ea quæ in vos adversa vel prava usque hactenus intuli, dimittet vobis Creator Omnipotens omnia delicta vestra; ita ut sacri fontis unda, quam hodie devotus est populus percepturus, sit vobis in remissionem peccatorum, et hoc osculum inter me et vos maneat in testimonium futurorum. Completis his omnibus, ad cellulam reductus est, et post diem confessionis vel pœnitentia quartum pastorealem jugiter curam, et finem suum consummavit in pace. Amen. Sub die pridie Kalend. April., luna xix, æra octoxxiv

*Ex concilio Toletano VIII, cap. 2.*

Nostri quoque sæculi doctor egregius, Ecclesiæ catholice novissimum decus, præcedentibus ætate postremus, doctrinæ comparatione non insimus, et (quod maius est) in sæculorum fine doctissimus, atque cum reverentia nominandus, Isidorus.

## J, GRIALIS AD ETYMOLOGIARUM LIBROS ADMONITIO.

Origines verborum qui tradunt, sive se intra grammaticorum fines continent, sive philosophandi studio latius evagentur, sive utrumque (quod sanctus Isidorus fecit) sequantur; periculose tractant plenum opus ales. Id quod non modo Plato, et Varro, Stoicique (quos hujus rei perstudiosos fuisse e Cicerone novimus), sed gravissimi quaque e nostris nimium experti sunt. Neque tamen ipsorum culpa, sed eorum vitio, qui quid illi spectarint, non sunt satis assecuti. Cujus rei caput illud est præcipuum, quod cum